

OKVIRNI SPORAZUM o nabavci robe

Zaključen između Sporazumnih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)

ID: 4200494560007

i

2. R&S d. o. o. Igmanska bb, 71320 Vogošća, koga zastupa direktor Kemal Selmanagić (u daljem tekstu: Prodavac)

ID broj: 4200056290005

Broj transakcijskog računa: 338 900 2208510172 otvoren kod UniCredit Bank d.d.

Ovaj Okvirni sporazum se zaključuje na osnovu Odluke broj: 0101-2007-7/17 od 05. 06. 2017. godine o izboru najpovoljnijeg ponuđača, koja je donesena nakon provedenog OTVORENOG POSTUPKA, za koji je dana 29. 03. 2017. godine na Portalu javnih nabavki BiH, objavljeno Obavještenje o nabavci broj: 999-1-1-86-3-10/17.

I. PREDMET OKVIRNOG SPORAZUMA

Član 1.

Predmet ovog Okvirnog sporazuma je nabavka robe-KANCELARIJSKI MATERIJAL za potrebe i po zahtjevu Ugovornog organa, u svemu prema Tenderskoj dokumentaciji broj: 0101-2007-3/17 od 24. 03. 2017. godine (u daljem tekstu: Tenderska dokumentacija Ugovornog organa) i ponudi Prodavca broj: 5028/17 od 18. 04. 2017. godine (u daljnjem tekstu: Ponuda Prodavca), koje čine sastavni dio ovog Okvirnog sporazuma.

Na osnovu ovog Okvirnog sporazuma Sporazumne strane će zaključivati pojedinačne ugovore, a sve u skladu sa Tenderskom dokumentacijom Ugovornog organa i Ponudom Prodavca.

II. CIJENA

Član 2.

Ukupna cijena ovog Okvirnog sporazuma prema specificiranim robama, količinama i jediničnim cijenama, nakon uspješno okončane e-aukcije iznosi:

27.777,00 KM bez PDV-a

(slovima: dvadesetsedamhiljadasedamstotinasedamdesetsedam KM i 00/100), što sa uračunatim PDV-om iznosi 32.499,09 KM sa PDV-om

(slovima: tridesetdvijehiljadečetiristinedevedesetdevet KM i 09/100).

Cijene robe obuhvataju sve troškove do isporuke robe na adresu krajnjeg korisnika.

Jedinične cijene iz stava 1. ovog člana su umanjene za procenat umanjenja nakon uspješno okončane e-aukcije, fiksne su i neće se mijenjati za vrijeme trajanja ovog Okvirnog sporazuma.

III. MJESTO ISPORUKE

Član 3.

Mjesto isporuke predmetne robe je na adresi podorganizacionih jedinica Ugovornog organa:

- Rektorat, Obala Kulina bana 7/II, Sarajevo,
- Centar za interdisciplinarnе studije (CIS), Zmaja od Bosne bb, (Objekat 33), Kampus;
- Univerzitetski tele-informatički centar (UTIC), Zmaja od Bosne bb (Objekat 33), Kampus;
- Centar za ljudska prava (CLJP), Zmaja od Bosne bb, (Objekat 36), Kampus.

IV. ROK I NAČIN ISPORUKE

Član 4.

Prodavac se obavezuje da će isporuku predmetne robe vršiti sukcesivno u skladu sa potrebnama Ugovornog organa, i to u roku od 24 (dvadesetčetiri) sata od dana prijema svake pojedinačne narudžbe od strane Ugovornog organa, a sve u skladu sa Tenderskom dokumentacijom Ugovornog organa i Ponudom Prodavca.

Član 5.

Prodavac je dužan da robu isporuči u originalnom pakovanju.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od strane predstavnika Ugovornog organa i Prodavca.

U slučaju da Prodavac isporuči robu koja nije u skladu sa zahtjevom iz Tenderske dokumentacije Ugovornog organa i Ponudom Prodavca ili predstavnici Ugovornog organa utvrde da je roba oštećena ili neispravna, Ugovorni organ će odbiti prijem takve robe, te zahtijevati od Prodavca da u roku od 24 (dvadesetčetiri) sata isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Ugovorni organ ima pravo da raskine ovaj Okvirni sporazum i zahtijeva naknadu štete od Prodavca.

V. NAČIN PLAĆANJA

Član 6.

Sporazmne strane su saglasne da će Ugovorni organ izvršiti plaćanje preuzete robe u roku od 30 (trideset) dana od dana prijema potpisane i ovjerene fakture od strane Prodavca.

Prodavac dostavlja fakturu na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Plaćanje se vrši po dospijeću na transakcijski račun Prodavca.

VI. OBAVEZE UGOVORNOG ORGANA

Član 7.

Ugovorni organ se obavezuje da:

- Prodavcu odredi termin za svaku sukcesivnu isporuku predmetne robe;
- izvrši pregled i preuzimanje isporučene robe, bez nedostataka;
- da plati primljenu fakturu Prodavca, u skladu sa članom 6. stav (1) ovog Ugovora.

VII. OBAVEZE PRODAVCA

Član 8.

Prodavac se obavezuje da:

- isporuči robu prema zahtjevima iz Tenderske dokumentacije Ugovornog organa;
- izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije i sve druge usluge u smislu pripreme robe za prijem na njeno odredište;
- snosi sve rizike do konačnog prijema robe na krajnjem odredištu;
- izvrši isporuku predmetne robe na mjestu i u roku utvrđenom ovim Okvirnim sporazumom;
- kvalitetno i uredno izvrši ovaj Sporazum u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa,
- ispostavi fakturu za isporučenu robu.

VIII. TRAJANJE OKVIRNOG SPORAZUMA

Član 9.

Ovaj Okvirni sporazum se zaključuje na period od 2 (dvije) godine.

IX. RASKID OKVIRNOG SPORAZUMA

Član 10.

Ugovorni organ ima pravo raskinuti ovaj Okvirni sporazum i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Okvirnog sporazuma u ugovorenom roku, a koje nisu rezultat kašnjenja preuzetih obaveza Ugovornog organa.

Okvirni sporazum može biti jednostrano raskinut dostavom pismene obavijesti drugoj Sporazumnoj strani 15 (petnaest) dana prije raskida.

Obavijest mora sadržavati razlog raskida Okvirnog sporazuma.

U slučaju raskida ovog Okvirnog sporazuma, Sporazumne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Okvirnog sporazuma.

X. UGOVORNA KAZNA

Član 11.

Za svaki dan kašnjenja u isporuci robe do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

XI. ZAVRŠNE ODREDBE

Član 12.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Okvirnog sporazuma, odnosno od početka realizacije ovog Okvirnog sporazuma.

Član 13.

Sporazumne strane su saglasne da se na sve međusobne odnose koji nisu definisani ovim Okvirnim sporazumom, neposredno primjenjuju odredbe Zakona o obligacionim odnosima.

Član 14.

Sporazumne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 15.


Ovaj Okvirni sporazum stupa na snagu 27. 07. 2017. godine.

Član 16.

Ovaj Okvirni sporazum je sačinjen u 4 (četiri) istovjetna primjerka, od kojih po 2 (dva) primjerka zadržava svaka Sporazumna strana.

ZA UGOVORNI ORGAN
Rektor


Prof. dr. Rifat Škrijelj



ZA PRODAVCA
Direktor


Kemal Selmanagić



Broj: 0101-2007-9/17
Sarajevo, 25. 07. 2017. godine

Broj: 632/2017
Datum, 26. 07. 2017.